

Reforma di e Fondo pa kombatí Kriminalidat	
E proyekto ta relashoná ku Aruba, Kòrsou i Sint Maarten	
Tema H: Fortalesé estado di derecho	
<p>Ta poniendo maneho i supervishon pa loke ta trata e Fondo di Kriminalidat na òrdu. Kòrsou i Sint Maarten ta siguiendo e rekomendashonnan di e rapòrtnan di Konseho pa Mantenshon di Lei (Raad voor de Rechtshandhaving).</p> <p>Pa mas tardá dia promé di aprel 2021 e paisnan a apuntá un organisashon independiente ku ta kontrolá e fondo riba siguimentu di dicho rekomendashonnan, kua alabes ta informá si e fondo ta traha debidamente.</p>	
Motibu	<i>Ku institushon di e Fondo pa kombatí Kriminalidat (CF) – un fondo presupuestario den sentido di artíkulo 39 di e Ordenansa di Kontabilidat 1989 (AB 1989 no. 72) – tabata aspirá pa gasta e medionan depositá den dje na un meta spesífiko riba tereno hurídiko, esta kombatimentu di kriminalidat, pa por manehá e fondonan aki apart. Den kurso di añanan a konstatá algun fayó enkuanto e funshonamentu di e CF, e.o. enkuanto e maneho diario i determinashon di e definishon di kiko mester komprondé bou di “kombatí kriminalidat”. P’esei mester di reformanan den maneho di e CF.</i>
Ophetivo	<i>E proyekto ta enfoká riba realisashon di un maneho mehorá i, pa ku otro –mas tantu posibel- harmonisashon di e fondo pa kombatí kriminalidat i e supervishon riba esaki, mediante klarifikashon i uso kla di definishonnan i términonan usá, tambe fortifikashon di e posibilidatnan pa supervishon aktual, pa medio di un kambio di e Landsverordening Criminaliteitsbestrijdingsfonds (Ordenansa Nashonal Fondo pa kombatí Kriminalidat) di e paisnan en kestion.</i>
Enkargo	<i>Kambia e Landsverordening Criminaliteitsbestrijdingsfonds (Ordenansa Nashonal Fondo pa kombatí Kriminalidat) di e paisnan en kestion di tal forma ku ta fortifiká e maneho i supervishon riba e Fondo. Tambe ta konta komo enkargo, siguimentu di e rekomendashonnan for di e informenan di e Konseho pa Mantenshon di Lei i nombramentu di un organisashon independiente ku ta kontrolá e CF.</i>
Akshon ku a skohe p’e	<i>Den esaki ta trata di un trayekto di legishon. Ta trata di un forma di traha ofisial (prosedura), pa medio di kua ta kumpli outomátikamente ku e puntonan di salida Transparensia i komunikashon, probechá Forsa di den fèlt i Kla pa enfrentá Futuro. Ta realisá e reformanan di e CF a base di e rekomendashonnan for di e informenan di e Konseho pa Mantenshon di Lei.</i>
Logronan deseá	<i>E resultado final ta mira riba realisashon di un Ordenansa Nashonal Fondo pa Kombatí Kriminalidat kambiá riba puntonan spesífiko, den kua a elaborá e korekshonnan enkuanto maneho i supervishon riba e CF.</i>
Kondishonnan, koheshon i/òf dependensia	<i>No ta aplikabel</i>
Planifikashon	<i>E aspirashon ta pa na yüni 2022 tin e Proyekto di Ordenansa Nashonal kla pa ofresé na Konseho di Minister di Kòrsou. Ta premirá tratamentu di e Ordenansa Nashonal pa Staten di Aruba pa fin di 2022.</i>